



ULLOQ/ DATO

13-04-2018

Tusagassiutitigut nalunaarut:

Kujataani angallannikkut ajunaarnersuaqarpoq!

Aappilattoq - Nanortalik: 25 april!

Narsarmijit - Nanortalik: 25. april!

Tasiusaq - Nanortalik: 25. april!

Qaqortoq - Narsarsuaq: 14. april!

Qaqortoq - Narsaq 17. april!



Piffissami matumani inatsisartunut sassartut tullerriaaginnavillutik nassuerutiginneqattaarput ilaasunik angallassineq pillugu Disko Line A/S-imik isumaqatigiissuteqarsimaneq kukkunerusoq, uagut Kujataamiuusugut tamanna nalunngilluinnarparput, allaallumi atsiortoqanngikkallarmalli tamaviaarluta suaartaraluarput ajorluinnartumik pisoqalersoq tusaaneqanngilagulli!

Maanna ulluni makkunani kingumut uppersarsineqarujussuaqqippoq illersorneqarsinnaanngitsumik angallannikkut kiffartuunneqartugut, sassartullumi namminneq uppersarsivaat Kujataani angallannikkut pissutsit qanoq ajorluinnartiginersut.

Utaqqissunneqarsinnaanngitsumik massakkorluinnaq iluarsiisoqartariaqarpoq, tassami Disko Line A/S-ip angallannermut pilersaarutai qimerluuginneqarsinnaapput Kujataani angallannikkut pissutsit ullumikkut qanoq ilungersunartiginersut.

Ajorpoq, ajuuvippoq! Kujataani helikopteri ataasinnaatinneqarpoq, imaatigut angalaniarsarineq pisariusorujussuuvoq, allaat ilaasussat pitsorluttut innarluutillilu angallanneqarput illersorneqarsinnaanngitsumik.

Ajorluinnartumik pisoqarsiinagu massakkorluinnarlu Naalackersuisut Disko Line A/S-imut piumaffiginnittariaqarput ilaasunik angallassinermut kiffartuussinissaq pillugu isumaqatigiissutini naapertorlugu angallannikkut pisussaaffimminik naammassinnittariaqartoq!

Kujataa sikorsuarnit imaatigut angallaffigineqarsinnaajunnaaqqavoq, angallassinittuaq tassaavoq Qaqortumiit Igalikumut niusitseriarluni Itlimiit Narsaliartitsisarneq, ilisimatinneqarneralu naapertorlugu pingaartumik pitsorluttut innarluutillilu illersorneqarsinnaanngitsumik angallanneqartut.





Angallannikkut pissutsit naammaginangilluinnarmata Disko Line A/S-imut paasiniaagaluarama helikopteri aapperneqassanersoq ilisimatinneqarpunga tamanna pilersaarutigineqanngitsoq, patsisigineqarluni Air Greenland A/S-inngooq helikopterit Qeqertarsuup tunuani atussammagit.

Kingumunaasit kujataa annertooujussuarmik sumiginnarneqarpoq, taamaattumik matumuuna Naalakkersuisut piunaffigaakka qinersissamaarneq uniffiginagu piaarnerpaamik aaqqiissuteqartoqarnissaanik sulissutiginneqqullugit, pisariaqarteqaarput.

Mittarfissaq piaarnerpaamik suliarineqartariaqarpoq!

Ulluni makkunani atukkavut innersuussutigiinnarlugit, allaallumi Sarfaq lttuup Kujataanut tikissinnaajunnaaqanera innersuussutigiinnarlugu piaarnerpaamik aaqqiisoqarnissaanik noqqaassutima saniatigut kingumut kaammattuutigissavara Qaqortup Narsallu akornanni mittarfissap naammassineqarnissaa atulersinneqarnissaalu siuarsarneqassasoq, utaqqisinnaajunnaarpugummi.

Qulakkeerlugumi nalunngereerparput mittarfik sananeqartussaasoq, aammattaaq qulakkeerlugulu nalunngereerparput mittarfik sanaartorneqareerluni atuutsinneqalerpat Kujataani angallannikkut pissutsit qanoq pitsaanerulertigissanersut, taamaammat manna tikillugu naammagisimagaluarparput pilersaarutit maleqqissaarlugit ingerlatsisoqassaasoq, kisianni taannaluunniit aamma utaqqisinnaajunnaarparput.

Nukinginnarpoq, isumannaatsumik nunap immikkoortuiani aammalu nunap immikkoortuaniit avammut attaveqarnerput iluarsineqartariaqarluinnarpoq illersorneqarsinnaasumillu ilaasunik angallassisoqarnissaa piaartumik qulakkeerneqartariaqarpoq.

Inussiarnersumik inuulluaqqusillunga

Kiista P. Isaksen (S)
Borgmesteri

